

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 41 0 K 097947 23 K  
VIDOKO, 04.10.2023. godine

## U IME FEDERACIJE BOSNE I HERCEGOVINE

Općinski sud u V.m, sudija A.S., uz sudjelovanje zapisničara K. A., u krivičnom predmetu protiv optuženog A.E., zbog krivičnog djela nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine, rješavajući po optužnici Kantonalnog tužilaštva Zeničko-dobojskog kantona broj: ... od 25.05.2023. godine, nakon održanog javnog i usmenog glavnog pretresa, u prisustvu kantonalne tužiteljice J.B., branitelja T.M., advokata iz V.g i optuženi E. A., dana 04.10.2023. godine, donio je i javno objavio:

## P R E S U D U

OPTUŽENI: A.E., sin R.a i majke Dž. rođene S., rođen 12.02.2001. godine u S., općina ..., nastanjen u ulici ... grad V., pismen, sa završenom srednjom školom, po zanimanju auto-mehaničar, neoženjen, vojsku nije služio, ne vodi se u vojnoj evidenciji, srednjeg imovnog stanja, državljanin BiH, JMB: ..., neosuđivan,

## KRIV JE

Što je :

dana 26.03.2023. godine, oko 01,00 sati, u V., u mjestu ..., u kući u kojoj živi zajedno sa vanbračnom suprugom mlđb. B.S., koja se nedavno porodila carskim rezom i njihovim mlđb. djetetom starosti devet dana, nakon što je došao kući, probudio S.1 koja je imala temperaturu i loše se osjećala, te je podigao u sjedeći položaj, pa nakon kraće verbalne prepirke oko poruke u njenom mobilnom telefonu koju je vidio dok je ona spavala, uzeo njen mobilni telefon marke ... i istim više puta udario od drveni okvir bračnog kreveta, polomivši staklo displeja na mobitelu, a potom fizički nasrnuo na S.1 i zadao joj više udaraca otvorenom pesnicom u predjelu lica i ruku, te je vukao za kosu i rukama stiskao njenu glavu, nazivajući je kurvom i psujući joj majku kurvanjsku, pa iako je znao i bio svjestan da takvim postupanjem može ugroziti mir, psihičko i fizičko zdravlje člana svoje porodice, što je i htio, a kada je S.1 dohvatila svoj telefon da nazove nekoga u pomoć, uzeo isti, odnio u kuhinju i potopio u vodu, kako bi ga učinio neupotrebljivim za dalje korištenje, a potom je S.1 rukom ponovo ošamario nekoliko puta, te uzeo sav novac iz kuće i izašao, da bi se nakon kraćeg vremena ponovo vratio i kad mu je nakon lupanja i prijetnji da će razvaliti vrata, otvorila ista, odgurnuo S.1, ušao u sobu i počeo pakovati svoje stvari i razbacivati stvari po sobi, te joj u više navrata prilazio i rukama je stiskao za glavu i vrat a potom ujeo za nos, za koje vrijeme se dijete probudilo i plakalo, a ona iskoristila trenutak kad je zaspao i otišla do svojih roditelja da potraži pomoć, na koji način je ugrozio mir, tjelesnu cjelovitost i psihičko stanje svoje nevjenčane supruge,

čime je učinio krivično djelo Nasilje u porodici iz člana 222. stav 2. u vezi sa stavom 1. KZ FBiH.

Sud optuženom na osnovu člana 42., 49. i 62. Krivičnog zakona Federacije Bosne i Hercegovine, i z r i č e:

#### USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 4 /četiri/ mjeseci, a koja se neće izvršiti ako optužena za vrijeme od 2 /dvije/ godine, od dana pravosnažnosti presude ne počini novo krivično djelo.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala 20,00 KM, sve u roku od 30 dana, po pravosnažnosti presude pod prijetnjom izvršenja.

Na osnovu člana 212. stav 3. ZKP FBiH, oštećena mladb. B.S. upućuje se da imovinsko pravni zahtjev u cjelini može da ostvaruje u parničnom postupku.

#### O b r a z l o ž e n j e

Kantonalno tužilaštvo Zeničko – dobojskog kantona optužnicom broj: ... od 25.05.2023. godine, a koja je zaprimljena kod ovog suda dana 05.06.2023.godine, optužilo je A.E. da je počinio krivično djelo Nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine.

Optužnica je potvrđena od sudije za prethodno saslušanje ovog suda dana 09.06.2023. godine i na ročištu za izjašnjenje o krivnji održanog dana 29.08.2023. godine optuženi A.E. se izjasnio da nije kriv za krivično djelo Nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine.

Na glavnom pretresu održanog dana 04.10.2023. godine, nakon što je Kantonalna tužiteljica pročitala optužnicu broj: ... od 25.05.2023. godine, optuženi A.E. je promjenio svoju izjavu i izjasnio se da je kriv da je počinio krivično djelo Nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine.

Radi provjere priznanja, sud je izvršio uvid u materijalne dokaze optužbe i to: Zapisnik o saslušanju svjedoka-oštećene mladb. Burić S.1 Kantonalno tužilaštvo ZDK od 25.05.2023. godine, Zapisnik o saslušanju svjedoka B. S., PS V. broj: ... od 26.03.2023. godine, Zapisnik o uviđaju PS V. broj: ... od 26.03.2023. godine, Specijalistički nalaz JU Dom zdravlja V., HMP od 26.03.2023. godine, na ime B.S., Specijalistički nalaz JU Kantonalna bolnica Z., Odjel ... od 26.03.2023. godine, na ime B.S., Socijalnu anamnezu JU Centar za socijalni rad V. broj: ...od 06.04.2023. godine, Rješenje Općinskog suda u V. broj: ...od 26.03.2023. godine i Izvod iz kaznene evidencije za optuženog A.E. od 01.06.2023.godine.

Sud je priznanje krivnje optuženog ocijenio kao jasno, iskreno i nedvosmisleno ničim uslovljeno tako da je priznanje optuženog u cijelosti u saglasnosti sa naprijed navedenim dokazima u koje je sud izvršio uvid, na osnovu čega van svake sumnje proističe da je optuženi ostvario sva bitna obilježja bića krivičnog djela Nasilje u porodici iz člana 222. stav 2. u vezi sa stavom 1. Krivičnog zakona Federacije Bosne i Hercegovine, poblizje opisano u izreci presude.

Sud zaključuje da je optuženi navedeno krivično djelo počinio sa direktnim umišljajem jer je bio svjestan svoga djela i htio je njegovo izvršenje, a sud je utvrdio da je optuženi prilikom izvršenja krivičnog djela bio uračunljiv jer predocnim dokazima nije dovedena u sumnju mogućnost optuženog da shvati značaj svoga djela i da upravlja svojim postupcima u vrijeme izvršenja djela.

Odlučujući o vrsti sankcije za optuženog sud je od olakšavajućih okolnosti cijenio da je u cijelosti priznao izvršenje krivičnog djela koje mu se stavlja na teret čime je u mnogome doprinio utvrđivanju činjeničnog stanja i skraćenju krivičnog postupka.

Prilikom izricanja krivičnopravne sankcije sud je, kao olakšavajuće okolnosti na strani optuženog cijenio činjenicu da je optuženi priznao izvršenje krivičnog djela koje mu se stavlja na teret čime je doprinio utvrđivanju činjeničnog stanja i skraćenju krivičnog postupka te materijalne i porodične prilike optuženog, starosna dob optuženog kao i činjenica da optuženi nije krivično kažnjavan, a što je sud utvrdio uvidom u Izvod iz kaznene evidencije za optuženog od 19.10.2022.godine kao i činjenicu da se optuženi i danas nakon kritičnog događaja viđa sa oštećenom S. B. i njihovim zajedničkim mldb. djetetom i da redovno pomaže majci u izdržavanju mldb. djeteta. Otežavajuće okolnosti na strani okrivljenog ovaj sud nije našao.

Na osnovu navedenog, Sud je optuženom za navedeno krivično djelo odlučio izreći mjeru upozorenja – uvjetnu osudu, kojom je utvrđena kazna zatvora u trajanju od 4 ( četiri ) mjeseca, a koja se neće izvršiti ako optuženi za vrijeme od 2 ( dvije ) godine, od dana pravosnažnosti presude ne poćini novo krivično djelo i uvjerenja je da će se ostvariti svrha kažnjavanja i postići ciljevi opšte i specijalne prevencije, te da će izrećena mjera upozorenja preventivno djelovati na optuženog da ubuduće ne čine nova krivićna djela.

Na osnovu člana 202 stav 1 u vezi sa članom 199. stav 2. taćka g) ZKP FBiH, optuženi je dužan platiti sudu na ime troškova krivićnog postupka u iznosu 20,00 KM, sve u roku od 30 dana, po pravosnažnosti presude pod prijetnjom izvršenja.

Na osnovu člana 212. stav 3. ZKP FBiH, oštećena mldb. B.S. upućuje se da imovinsko pravni zahtjev u cjelini može da ostvaruje u parničnom postupku.

S U D I J A  
A.S.

POUKA: Protiv ove presude dozvoljena je žalba Kantonalnom sudu u Z., putem ovog suda, u roku od 15 dana od prijema presude. Žalba se dostavlja u 3 ( tri ) primjerka za sud i stranke u postupku.